


廣東圖說

廣東通志

肇慶府總圖

肇慶府總圖



四十二度

三十二度

二十二度

度六西

度五西

度六西

度五西



肇慶府

府治在省城西二百九十里秦爲南海郡地漢爲蒼梧郡南海郡合浦郡地三國吳分屬廣交二州晉因之宋永初二年改屬南海郡齊因之梁天監中始置高要郡隋平陳郡廢開皇九年置端州大業初改州爲信安郡唐武德四年復曰端州天寶元年復曰高要郡乾元元年復曰端州咸通三年屬嶺南東道五代屬南漢宋初仍曰端州屬廣南東路元符三年置興慶軍節度重和元年升爲肇慶府元曰肇慶路屬海北廣東道明洪武元年復曰肇慶府屬廣東布政使司今因之

東西距四百九十里

南北距八百九十里

東至廣州府三水縣界九十里

東南至廣州府新會縣界三百二十里

南至陽江縣海岸四百七十里

西南至高州府電白縣界五百三十里

西至廣西梧州府蒼梧縣界四百七十里

西北至廣西平樂府賀縣界四百六十里

北至梧州府懷集縣界三百里


東北至廣州府清遠縣界二百五十里

肇郡界連兩粵川會三江左達南海右接蒼梧東西有事居中

控馭自古設重鎮於此首治高要牂牁江繞其前羚羊峽扼其
要新興萬山環峙洞口迴瀾陽江濱臨巨溟海防屹爲重鎮陽
春一江中流羣溪畢滙山深谷邃向爲逋逃藪今成坦途矣封
川開建廣甯兩粵關隘三面阻山全郡形勢惟陽江面海其餘
諸邑或枕江或倚嶺星羅碁布望之交錯守土者宜思患而預
防焉

恩平	廣甯	開平	鶴山	德慶	封川	開建
領州一縣十二	高要	四會	新興	陽春	陽江	高明

高要縣圖



廣東圖說卷四十二
二
高要縣

附郭漢置高要縣至今因之

城周四里八分高二丈五尺城濠今堙

高峽山城東二十里一名羚羊峽水勢湍急兩粵咽喉往來大道上有靈山汛中有龍門汛下有後瀝汛

爛柯山城東二十里一名腐柯山層峯疊岫山麓有二巖產硯石

橫石岡城東九十里北捍西江東北界三水縣

進塘岡城東南十里有文明塔

王侯峯城東南十里宋元豐中郡守王洎葬其下故名北麓爲

烏榕岡上有巽峯塘

九洲岡城東南二十里九峯連屬又名九山

神符巖城東南三十里土山戴石森立如壁新宅水出焉

新婦嶺城東南六十里山半奇石林立頂上平原中有天池有九曲汎南界高明縣

馬口岡城東南一百里壁立江濱江流停洞其下

金洲岡城東南一百十五里孤峙江心往來大道

紫荊山城東南一百二十里山勢崆嶷南界高明縣

大頂岡城東南一百二十里山勢峻拔濱臨西江

羅鬱岡城東南一百二十六里西界高明縣

廣輿記卷四十二
南蓬山城東南一百三十里一名蓬萊山東爲官棠山南爲小蓬洞有甘泉西南界高明縣

銅鼓山城南十二里有赤石如鼓扣之有聲故名久晴山晦則雨久雨山明則晴郡人以爲晴陰之驗

雲從嶺城南四十里峯巒重疊秀出天表新宅水出焉

白豬岡城西南五十里

老香山城西南八十里山勢磅礴最爲險隘東南界高明縣西南界新興縣

三台岡城西三里三峯鼎峙狀若三星北爲龍頂岡林木蓊蔚居民環之

白沙岡城西十五里一名龜頂山秀拔嵯峨鄉人築隄嘗平其巔明天啟中知縣王漸磐補築之

狗逕山城西五十里西界東安縣

小廂峽城西北四十里羣峯列岫矗峙西江上多良材美竹

大廂峽城西北四十五里與小廂峽相望逼東江流山高水深石人嶺城西北九十里山勢嵒嶸屹然天際上有礮臺

金雞嶺城西北九十里濱臨西江上有礮臺西界東安縣

雙鶴嶺城西北一百里西界德慶州

停雲嶺城西北一百里西界德慶州

羅帶山城西北一百一十里西界德慶州

七星頂山城西北一百三十里西界德慶州北界廣甯縣

幌傘頂山城西北一百三十里北界廣甯縣

河社嶺城西北一百三十里北界廣甯縣

七星巖城北六里七峯相連形如北斗故名有水月宮

北嶺城北十里峯巒重疊盤亘數里拱衛郡治若屏障然最高峯曰將軍嶺聳拔雄峻北爲雞籠山

九阡山城北八十里舊有茶園四十四所獠人居之西爲苦竹山西北界廣甯縣東北界四會縣

石頭岡城東北一里一名定山又名石室山濱臨西江巨石厓屢有閼江樓古崧臺

頂湖山城東北四十里山勢寵從一方巨鎮有白雲寺慶雲寺
龍頭石大窩坪羅漢橋湮盤臺石飛水巖諸勝

三臺山城東北七十里西爲白花山北界四會縣

大嶂城東北八十里北界四會縣

虎眼岡城東北九十里北界四會縣

大肚嶺城東北一百里北界四會縣

西江自德慶州東南流入縣西北石江口有礮臺又東南流經梅

子汛又東南流經新村汛大榕水合小榕水自西北來注之又

東南流經祿步司署又東南流經村前汛有礮臺都偃水自東北

來會都偃水源出縣西北七星頂山東南流經西屯汛羅帶水